



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-330/24
Sarajevo, 21.02.2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 36. sjednici održanoj dana 21.02.2024. godine, primilo je k znanju

Informaciju o prazničnom ukrašavanju u organizaciji Grada Sarajeva.

PREDSJEDAVALJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

*Informacija
o prazničnom ukrašavanju u organizaciji Grada Sarajeva*

Sarajevo, februar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija o prazničnom ukrašavanju u organizaciji Grada Sarajeva

Programom rada Gradskog vijeća Grada Sarajeva za 2024. godinu, broj: 01-GV-02-1998/23 od 27.12.2023. godine, predviđena je tema: Informacija o prazničnom ukrašavanju u organizaciji Grada Sarajeva.

Jedan od prioriteta iz Strategija razvoja grada Sarajeva 2021. – 2027. je razvoj kapaciteta u oblasti turizma u gradu Sarajevu. S tim u vezi, dekorisanje grada u vrijeme novogodišnjih i drugih praznika doprinosi atraktivnom izgledu Sarajeva što čini ugodnim život građanima Sarajeva, ali i brojnim turistima.

Ususret 29. Sarajevo Film Festivalu, u ulici Ferhadija u augustu 2023. godine, Grad Sarajevo je, uz finansijsku podršku NLB Banke, postavio dekorativno cvijeće – ukras viseća dekoracija *Cvijetna kiša*.

Po uzoru na brojne gradove širom Evrope, Grad Sarajevo je postavio šarene kišobrane u ulici Ferhadija u mjesecu novembru 2023. godine.

Iz Budžeta Grada Sarajeva za 2023. godinu, za ove namjenu utrošeno je 3.510,00 KM.

U 2022. godini izvršena je nabavka svjetlosne dekoracije, te je u periodu od 15.12.2022. do 15.01.2023. godine dekorativna rasvjeta postavljena na devet sarajevskih mostova: Šeher-ćehajina ćuprija, Novi most Vijećnica, Careva ćuprija, Latinska ćuprija, Drvenija, Ćumurija, Ćobanija, Festina lente i Eiffelov most. Tada su, po prvi put centralni sarajevski mostovi dobili praznično ruho koje je istaklo njihovu ljepotu i učinilo atmosferu u Sarajevu privlačnom turistima, ali i građankama i građanima Sarajeva. Iste godine ukrašena je i prednja strana fasade zgrade Vječne Vatre.

U 2023. godini izvršena je nabavka dekorativne rasvjete s ciljem dodatnog ukrašavanja mostova i zgrade Vječne vatre, ali i ukrašavanja drugih dijelova grada.

Tako je u periodu od 15.12.2023. do 20.01.2024. godine dekorativnom rasvjetom dodatno, u odnosu na prethodnu sezonu, ukrašena fasada zgrade Vječne vatre postavljenjem zlatne mašne na centralnom dijelu, kao i dodatnim dekorativnim elementima naglašene svjetiljke na balkonu samoga objekta.

Dodatno su dekorisani lukovi mosta Ćumurija, kao i ulazi na mostovima Šehar-ćehajina ćuprija i Latinska ćuprija na kojima su postavljeni elementi u obliku fenjera.

Novina u odnosu na prethodnu sezonu jeste ukrašavanje 22 stuba javne rasvjete na šetnici Obala Maka Dizdara, koja je uz obližnje mostove, Eiffelov most i most Festina lente, dala poseban praznični ugođaj gradu Sarajevu.

Iz Budžeta Grada Sarajeva za 2023. godinu za ovu namjenu utrošeno je 60.545,16 KM.

Na zahtjev Vrhbosanske nadbiskupije, Grad Sarajevo je, u saradnji s Općinom Stari Grad Sarajevo, osigurao ukrašavanje božićne jelke ispred Katedrale Srca Isusova.

Iz Budžeta Grada Sarajeva za 2023. godinu za ovu namjenu realiziran je iznos od 5.850,00 KM.

Također, JP „Olimpijski bazen Otoka“ d.o.o Sarajevo, a čiji je osnivač Grad Sarajevo, ukrasio je prednji dio fasade svečanom rasvjetom, dok je JP „Sarajevo“ ispred sarajevske Vijećnice postavio bogato ukrašenu novogodišnju jelku.